

Ágætu foreldrar og forráðamenn,

Það fréttabréf sem hér birtist er ætlað aðstandendum nýnema við Borgarholtsskóla. Tilgangurinn er að upplýsa þá um skólann, þjónustuna sem hann veitir og þær kröfur sem gerðar eru til nemenda. Það eru mikil umskipti að vera í námi við framhaldsskóla, sérstaklega í áfangaskóla. Gerðar eru strangar náms- og mætingakröfur. Slíkt er ekki gert til að vekja ugg heldur til að veita nemendum aðhald á allan hátt svo að þeir fái tækifæri til að temja sér öguð vinnubrögð og geti einbeitt sér að náminu.



*Borgarholtsskóli við Mosaveg á björtum degi.*

Foreldrar hafa stóru hlutverki að gegna í námsframvindu unglínganna sinna. Veturinn er á förum og vorið á næsta leiti. Önnin er hálfnuð, rétt tveir mánuðir til lokaprófa og því ástæða fyrir foreldra að hvetja unglíngana til dáða. Gefið þeim gaum í stóru og smáu – og spyrjið hvernig gengur í skólanum. Á heimasíðu Borgarholtsskóla, [www.bhs.is](http://www.bhs.is), eru ýmsar gagnlegar upplýsingar. Þar er tengill inn á Innu, kerfi sem geymir allar upplýsingar um nemendur, m.a. einkunnir og skólasókn. Foreldrar geta nálgast aðgangsorð að Innu (sjá kafla um Innu hér á eftir) og nemendur geta upplýst þá um aðgangsorð. Nemendum er kennt samkvæmt námsáætlunum í öllum áföngum. Finna má námsáætlanir með leitarvél á heimasíðunni og inni í áföngum á námsþinginu (Moodle). Sömu aðgangsorð gilda að námsþingi og Innu en sérstakt lykilorð þarf til að lesa áfanga í Moodle og hafa nemendur þau.

Starfsmenn Borgarholtsskóla eru um 130 talsins. Við skólann starfa reyndir og vel menntaðir kennarar á fjölmörgum sviðum. Eins starfar þar öflugt teymi námsráðgjafa, forvarnafulltrúa og annarra stuðningsfulltrúa sem greiða nemendum leið í námi. Við skólann er öflugt umsjónarkerfi. Allir nemendur hafa sinn eigin umsjónarkennara sem jafnframt er tengiliður foreldra við skólann.

Mat á námsárangri nemenda þessa vorönn, sk. miðannarmat, hefur verið tekið saman og er birt á Innu, [www.inna.is](http://www.inna.is). Þá er nauðsynlegt að hafa aðgangsorðin að Innu klár.

Skráningu í áfanga á haustönn 2013 er nýlokið. Innheimta gjalda fyrir skólavist á haustönn hefst í lok maí en gjald dagi þeirra verður í byrjun júní.

Borgarholtsskóli ber fyrir brjósti almenna velferð nemenda, bæði andlega og líkamlega. Skólinn er meðal sk. heilsueflandi skóla. Skólahúsnæðið er bjart og hreint og í mötuneyti skólans er heilsusamlegt fæði í fyrirrúmi. Öll notkun tóbaks og annarra fíkniefna er skv. lögum bönnuð í skólanum og á lóð hans. Nemendur ganga ekki á útiskóm í skólanum. Um þessi atriði hefur náðst almenn og góð samstaða.

Í lokin vil ég biðja foreldra og forráðamenn um að leggjast á árar með okkur og hvetja nemendur til að huga að námsástundun, reglusemi og góðum lífsháttum. Þá munu stórir draumar unga fólksins okkar rætast.

Ingi Bogi Bogason, aðstoðarskólameistari

## INNA er skráningarkerfi skólans



*Tengillinn **Inna fyrir nemendur** er á heimasíðu skólans. Þar má tengjast Innu og skoða ýmis atriði sem snerta skólagöngu nemans.*

heimasíðu skólans eða á slóðinni [www.inna.is](http://www.inna.is) Í fyrsta glugganum sem birtist er smellt á tengilinn **Sækja lykilorð**. Þá kemur upp nýr gluggi og foreldrar/forráðamenn slá inn kennitölu sína í viðeigandi reit, velja viðeigandi skóla úr felliglugganum og smella á **Áfram**. Þá fá þeir sent aðgangsorð að Innu á það netfang sem gefið var upp þegar sótt var um skólann. Síðan slær foreldri/forráðamaður inn í Innu kennitölu sína og aðgangsorðið sem sent var á netfangið og getur þá skoðað upplýsingarnar um unglinginn sinn. Ef aðgangsorð berst ekki gæti skýringin verið sú að netfang foreldra var ekki rétt skráð þegar sótt var um skólavist eða að það hafi verið sent á netfang sem hætt er að nota. Netfangi má breyta með því að senda póst á [bhs@bhs.is](mailto:bhs@bhs.is).

Í skráningarkerfi skólans, Innu, er haldið utan um námsferil, námsmat og viðveru nemenda. Inna er vefkerfi sem hægt er að fara inn á af heimasíðu skólans eða með því að skrá inn þessa slóð á vefnum: <http://www.inna.is>. Við teljum mikilvægt að nemendur noti þennan aðgang að upplýsingum og séu meðvitaðir um námsframvindu sína og skólasókn. Foreldrar/forráðamenn nemenda yngri en 18 ára fá eigið aðgangsorð að Innu. Til að nálgast það er farið inn á Innu, gegnum tengilinn **Inna** eða **Inna fyrir nemendur** á

## Miðannarmat

Kennarar í öllum námsgreinum ljúka skráningu miðannarmats í Innu þann **7. mars** og geta foreldrar / forráðamenn skoðað það þar. Einnig er hægt að hringja á skrifstofuna og fá matið sent heim. Innuna. Nemendur í bíliðnum fá ekki miðannarmat í þeim áföngum sem kenndir eru í lotum.

Einkunn:	Merking:	Umsögn:
A	Afar góð ástundun	Ef nemandinn heldur svona áfram getur hann náð mjög góðum árangri í áfanganum.
G	Góð ástundun	Ef nemandinn heldur svona áfram getur hann náð nokkuð góðum árangri í áfanganum en gæti gert betur.
V	Vart viðunandi ástundun	Nemandinn þarf að bæta sig til þess að ná viðunandi árangri í áfanganum.
O	Óviðunandi ástundun	Nemandinn þarf að bæta sig verulega til þess að eiga möguleika á að ná áfanganum.

*Miðannarmatið er óhefðbundið námsmat til hvatningar og leiðbeiningar á miðri önn. Umsögnin er gefin í bókstöfunum A, G, V og O.*

Markmiðið með miðannarmatinu er að gefa nemendum, foreldrum og kennurum upplýsingar um stöðuna á miðri önn. Matið byggir á frammistöðu nemandans á u.þ.b. sjö fyrstu vikum annarinnar og er **hvorki hefðbundin né endanleg einkunn** heldur mat á **ástundun**, t.d. virkni í tímum, heimavinnu, verkefnaskilum, einkunnum í skyndiprófum og mætingu. Mikilvægt er að nemendur nýti sér matið til hvatningar og leiðbeiningar.

## SMS-skilaboð

Nemendur fá SMS-skilaboð ásamt tölvupósti þegar forföll kennara eru skráð í Innu. Foreldrar ólöggráða nemenda fá tölvupóst eins og hingað til. Mikilvægt er því að rétt símanúmer og rétt netföng séu skráð í Innu. Nemendur eiga sjálfir að breyta þessum upplýsingum ef þörf er á.

## Mætingar og áminning

Í Innu eru upplýsingar um viðveru nemandans. Þar er gerð grein fyrir mætingu bæði í prósentum og tímafjölda. Í prósentutölunum í tveimur öftustu dálkunum má annars vegar sjá viðveruna sem hlutfall af þeim tímum sem þegar hafa verið kenndir (raunmæting) og hins vegar sem hlutfall af heildartímufjölda á önninni að teknu tilliti til veikinda og leyfa. Seinni prósentutalan stendur því í stað ef ekki bætast við fleiri fjarvistastig, en lækkar ella.

Forráðamenn nemenda yngri en 18 ára fá senda skriflega áminningu þegar fjarvistir í einum áfanga eru komnar yfir 10% af heildartímufjölda í faginu. Þá þarf nemandinn að gæta þess að heildarmæting í áfangann fari ekki niður fyrir 85% en gerist það telst nemandi fallinn í áfanganum. Aðeins er send þessi eina áminning og segir hún þá til um það að nemandinn þurfi að gæta að mætingu sinni í alla áfanga það sem eftir er annarinnar. Slök mæting getur leitt til brottvísunar úr skóla. Ekki má gleyma því að þeir sem hafa að lágmarki 95% raunmætingu fá eina einingu fyrir mætingu.

## Veikindi og fjarvistaskráning

Tilkynna þarf um veikindi nemenda í **síma 535 1717** milli kl. 8 og 15 þá daga sem veikindin standa yfir (milli 8 og 13 á föstudögum). Einnig má senda tölvupóst á netfangið [veikindi@bhs.is](mailto:veikindi@bhs.is). Forráðamenn nemenda yngri en 18 ára þurfa að sjá um það. Ekki er krafist læknavottorða nema um síendurtekin veikindi sé að ræða. Veikindi á prófatíma þarf einnig að tilkynna samdægurs og auk þess skila læknavottorði innan þriggja daga.

Mætingastjóri, Anton Már Gylfason, hefur umsjón með mætingamálum og hafa má samband við hann ef eitthvað bregður út af í mætingu eða viðveruskráningu nemanda. Síminn er 535 1700 og netfangið [anton@bhs.is](mailto:anton@bhs.is) Viðtalstímar eru auglýstir á heimasíðu skólans, undir tenglinum *Um skólann*, og þar undir *Starfsmenn*.

## Frá foreldraráði

Í Borgarholtsskóla starfar foreldraráð. Aðild eiga foreldrar/forráðamenn nemenda skólans og að auki einn fulltrúi skólans. Fundir eru haldnir fyrsta miðvikudag í mánuði, í stofu 308 kl. 18-19. Aðalfundur var haldinn þann 3. október og ný stjórn mynduð. Fundargerðir foreldraráðs eru á heimasíðu skólans undir tenglinum Félög og þar geta foreldrar fylgst með störfum ráðsins.

Í janúar sótti foreldraráð góðan fund hjá samtökunum *Heimili og skóli*. Þar báru foreldraráð framhaldsskólanna saman bækur sínar. Ákveðið var að bjóða upp á aukið samstarf foreldraráðanna þar sem það getur styrkt þau í starfi. Í febrúar var Glæsiballið haldið og skv. hefð var foreldraráð við innganginn og bauð nemendur velkomna. Margir eru sammála um að þetta hafi verið eitt allra besta Glæsiball sem skólinn hefur haldið. Fram á vor mun foreldraráð funda skv. áætlun og eru allir foreldrar hvattir til að taka þátt í störfum þess.

## Skólasafnið býður upp á fjölbreytt efni



Það er meira til á okkar litla bókasafni en margur heldur en á safninu má finna bækur og tímarit, tónlist, fræðslumyndir og kvikmyndir. Þar eiga nemendur að geta fundið flest það sem þeir þurfa á að halda í tengslum við nám sitt í skólanum og fengið aðstoð við að leita í öðrum bókasöfnum og innlendum sem erlendum gagnasöfnum.

Við kaupum eintak af öllum helstu íslensku skáldsögunum og viljum koma til móts við yndislestur nemenda, sem nauðsynlegt er að efla og bæta. Það er tekið vel á móti ábendingum frá nemendum um það sem þeim finnst að megi betur fara á safninu eða vanti á safnið. Safnkosturinn er skráður í [Gegnur.is](http://Gegnur.is) samskrá íslenskra bókasafna og þar er hægt að sjá hvort efni er til og hvort það sé í útláni.

Mikil ásókn er í að vinna í tölvum á bókasafninu og nú er verið að bæta við sex nýjum tölvum til að bæta þjónustuna. Á safninu er litaprentari og geta nemendur prentað þar af sínum prentkvóta.

Bókasafnið er opið frá kl. 8:00 á morgnana til 16:00, mánudaga til fimmtudaga, en lokar kl. 15:00 á föstudögum.



Frábær aðstaða og duglegir nemendur!



Heimasíða bókasafns er <http://bhs.is/bokasafn/>. Þar má m.a. finna gagnlegar upplýsingar um safnið, gagnasöfn og rafræn tímarit og hvernig best er að bera sig að við upplýsingaleit, ritgerðasmíð og heimildanotkun. Í skólanum hafa nemendur aðgang að veforðabókunum *Snara.is*.

Við reynum að hafa safnið lifandi upplýsingamiðstöð sem styður við nemendur og starfsmenn bæði í leik og starfi. Í „þögla“ herberginu á að vera gott næði til að einbeita sér að lærdómnum. Einnig er hægt að vinna við hópvinuborð, gera skólaverkefni í tölvum safnsins eða nýta sér lesbása við glugga með glæsilegu útsýni. Foreldrar, hvetjið börnin ykkar til að nýta tímann í skólanum vel þegar göt eru í stundaskrá og læra á safninu.

Ása og Bára bókasafnsfræðingar BHS

## Náms- og starfsráðgjöf

Markmið ráðgjafarinnar er að veita nemendum þjónustu í málum sem tengjast námi þeirra, náms- og starfsvali og persónulegum högum. Þá veita náms- og starfsráðgjafar foreldrum, kennurum og öðru samstarfsfólki ráðgjöf í málum einstakra nemenda. Náms- og starfsráðgjafi er bundinn trúnaði við skjólstæðinga sína. Innan skólans er hann trúnaðarmaður og málsvari nemenda.



Samstarf við náms- og starfsráðgjafa eflir námsmenn.

### Hvers vegna að leita til náms- og starfsráðgjafa?

Marga vantar aðstoð við ýmis hagnýt atriði sem lúta að náminu. Nemendur geta t.d. fengið ráðgjöf við að skipuleggja nám sitt og stuðning til að geta stundað það. Mál sem náms- og starfsráðgjafar vinna með eru fjölbreytt og eru helstu málaflokkar eftirfarandi:

- Ráðgjöf í námi, s.s. skipulagning tíma, áætlanagerð og námstækni.
- Ráðgjöf við náms- og starfsval, s.s. miðlun upplýsinga um möguleika og framboð á námi og störfum.
- Ráðgjöf og stuðningur vegna persónulegra mála, s.s. vegna tímabundinna erfiðleika og/eða áfalla.

### Námskeið á næstunni:

#### Vinnubrögð/Námstækni

- Námstækninámskeið hefst miðvikudaginn 3. apríl kl. 12:40-13:20 og verður tvo næstu miðvikudaga á eftir (10. og 17. apríl). Námskeiðið er haldið í stofu 309. Skráning á [agusta@bhs.is](mailto:agusta@bhs.is)

- Prófkviðanámskeið (undirbúningur fyrir próf) hefst fimmtudaginn 4. apríl kl. 12:40-13:20 og verður tvo næstu fimmtudaga á eftir (11. og 18. apríl). Námskeiðið er haldið í stofu 309. Skráning á [agusta@bhs.is](mailto:agusta@bhs.is)

Markmið ráðgjafarinnar er að veita nemendum þjónustu í málum sem tengjast námi þeirra, náms- og starfsvali og persónulegum högum. Þá veita náms- og starfsráðgjafar foreldrum, kennurum og öðru samstarfsfólki ráðgjöf í málum einstakra nemenda. Náms- og starfsráðgjafi er bundinn trúnaði við skjólstæðinga sína. Innan skólans er hann trúnaðarmaður og málsvari nemenda.

## Frá formanni nemendafélagsins

Árið byrjaði stórt en við héldum Söngkeppni Borgarholtsskóla í Hörpu þann 16. janúar. Þar bar Arney Ingibjörg sigur úr bítum, annað árið í röð, en einnig kom Ásgeir Trausti og endaði kvöldið með nokkrum lögum.

Þemadagarnir okkar, Skóhlífadagarnir, voru haldnir 21. og 22. febrúar þar sem nemendur sóttu hin ýmsu námskeið í stað venjulegra kennslustunda og var endað á Glæsiballinu en í fyrsta skipti í tæpan áratug var það ekki haldið í Borgarholtsskóla heldur í Súlnasalnum á Hótel Sögu. Þar komu fram m.a. Jóhannes Haukur og Helga Braga og Páll Óskar spilaði fyrir dansi fram eftir miðnætti.

Eftir æsispennandi viðureign MoRFís-liðsins við MR í átta liða úrslitum þann 28. febrúar hafði MR aðeins betur með 68 stiga sigri, en umræðuefnið var Ameríski draumurinn og mæltum við á móti.

Þann 15. febrúar kepptum við gegn MH í Gettu betur í annað sinn en þau sigruðu okkur líka með sama liði fyrir ári síðan. Liðin voru jöfn etir hraðaspurningar með 20 stig. Staðan hélst jöfn allt þar til komið var að vísbendingaspurningunum tveimur í síðasta hluta keppinnar en þá nældu MH-ingar sér í tvö stig og var þá staðan 27-25 fyrir þeim. Hvorugt lið náði sér í stig í þríþrautinni og endaði viðureignin þannig. Vil ég hrósa liðunum, bæði strákunum í Gettu Betur og stelpunum í MoRFís, fyrir frammistöðu sína gegnum árin en flestir meðlimir liðanna hafa verið í þeim í þrjú eða fjögur ár.

Haldin var keppni í fyrra um hönnun á skólapeysunum í ár og völdu nemendur hönnun Francisco Javier Ara Quintana og lentu þessar peysur í skólanum nú í byrjun mánaðarins.

Nú á fimmtudaginn er svo innanskólamót í Lazertag og einnig stendur Nemendaráðið í ströngu við að skipuleggja lokaballið sem verður fyrri partinn í apríl og vonumst við eftir að klára skólaárið með látum. Nóg er eftir af viðburðum út árið og verður hægt að fylgjast með því á [www.borgari.is](http://www.borgari.is) og [www.facebook.com/nfbhs](http://www.facebook.com/nfbhs).

F.h. Nemendafélags Borgarholtsskóla

Gísli Freyr J. Guðbjörnsson, formaður